



Memoria funcional de proposta de modificación da relación de postos de traballo referente ao proceso de funcionarización de postos de traballo de persoal laboral da Xunta de Galicia e clasificación no corpo superior (subgrupo A1) e no corpo auxiliar (subgrupo C2) da administración xeral da Comunidade Autónoma de Galicia.

ANTECEDENTES

A disposición transitoria primeira da Lei 2/2015, do 29 de abril, do emprego público de Galicia, e a disposición transitoria segunda do Real decreto legislativo 5/2015, do 30 de outubro, polo que se aproba o texto refundido da Lei do Estatuto básico do empregado público, establecen as previsións necesarias para facer posible a funcionarización do persoal laboral fixo que realiza funcións ou desempeña postos de traballo de persoal funcionario.

A disposición transitoria primeira da *Lei 2/2015, do 29 de abril, do emprego público de Galicia* regula que o persoal laboral fixo das administracións públicas incluídas no ámbito da súa aplicación que, no momento da entrada en vigor da Lei 7/2007, do 12 de abril, do Estatuto básico do empregado público, estea a realizar funcións ou desempeñe postos de traballo de persoal funcionario, ou pase a realizar as devanditas funcións ou a desempeñar os devanditos postos en virtude de probas de selección ou promoción interna convocadas antes da data sinalada, poderá seguir a realizalas ou desempeñalas.

Así mesmo, dita disposición no seu apartado segundo recolle que o Consello da Xunta de Galicia establecerá, a través das relacións de postos de traballo (RPT), a valoración, clasificación e determinación dos postos de traballo afectados por esta norma, na Administración Xeral da Comunidade Autónoma de Galicia e nas entidades públicas instrumentais do sector público autonómico.

DESENVOLVEMENTO DO/S PROCESO/S

Primeiro. Procedemento para adquisición da condición de persoal funcionario de carreira

O Decreto 165/2019, do 26 de decembro, establece o procedemento para a adquisición da condición de persoal funcionario de carreira polo persoal laboral fixo do Convenio colectivo único do persoal laboral da Xunta de Galicia. O seu anexo foi modificado polas Ordes do 10 de marzo de 2021 e do 27 de novembro de 2023 da Consellería de Facenda e Administración Pública (Diarios Oficial de Galicia números 61 do 31 de marzo de 2021 e 231 do 5 de decembro de 2023).



Segundo. Oferta de Emprego público para os anos 2020 e 2023

Para dar cumprimento ao establecido na *Lei 2/2015, do 29 de abril, do emprego público de Galicia* e na disposición transitoria segunda do *Real decreto legislativo 5/2015, do 30 de outubro, polo que se aproba o texto refundido da Lei do Estatuto básico do empregado público*, **esta administración** incorporou as prazas obxecto de funcionarización nos Decretos 225/2020, do 23 de decembro e Decreto 143/2023, do 9 de novembro polos que se aproban as ofertas de emprego público correspondentes a prazas de persoal funcionario e laboral da Administración Xeral da Comunidade Autónoma de Galicia para os anos 2017,2018,2019, 2021, 2022 e 2023 (Diarios Oficial de Galicia núm. 260, de 29 de decembro do 2020; núm. 214, do 10 de novembro de 2023).

ADMÓN	GRUPO SUBGR.	CORPO-ESCALA-ESPECIALIDADE	DECRETO 225/2020 PRAZAS FUNCIONARIZACIÓN	DECRETO 143/2023 PRAZAS PROMOCIÓN ESPECÍFICA
Xeral	A1	Corpo superior		1
	C2	Corpo auxiliar	70	

Terceiro. Convocatorias dos procesos de funcionarizacións do grupo I categoría 19 e do grupo IV categoría 20

- **Terceiro.1 Convocatoria do grupo I categoría 19**

O proceso selectivo foi convocado pola *Resolución do 6 de novembro de 2023 pola que se convoca o proceso selectivo para o ingreso, pola modalidade específica de promoción do persoal laboral fixo, no corpo superior da Administración xeral e no corpo facultativo superior de Administración especial da Comunidade Autónoma de Galicia, subgrupo A1* (DOG núm. 216, do 14 de novembro; Corrección de erros DOG núm. 227, do 29 de novembro).

- **Terceiro.2 Convocatoria do grupo IV categoría 20**

O proceso selectivo foi convocado pola *Resolución do 15 de decembro de 2023 pola que se convoca o proceso para a adquisición da condición de persoal funcionario de carreira do corpo auxiliar da Administración xeral e do corpo de auxiliares de carácter técnico de Administración especial, subgrupo C2, por parte do persoal laboral fixo de diversas categorías e postos pertencentes aos grupo IV e V do V Convenio colectivo do persoal laboral da Xunta de Galicia, mediante o seu cambio de vínculo xurídico.* (DOG núm. 243, do 26 de decembro de novembro).





Cuarto. Categorías de persoal laboral da Xunta de Galicia obxecto de funcionarización

Denominación	Grupo-Categoría	Corpo	Grupo Subgrupo
Titulado/a superior especialista. Farmacéutico/a	I-19	Superior da Administración xeral da Comunidade Autónoma de Galicia (subgrupo A1) ou calquera outra escala ou especialidade do subgrupo A1	A1
Conserxe	IV-20	Auxiliar da Administración xeral	C2

Quinto. Aspirantes que superaron os procesos selectivos

- Quinto.1 Subgrupo A1**

Por *Resolución do 8 de maio de 2024, do tribunal encargado de cualificar o proceso selectivo para o ingreso, pola modalidade específica de promoción do persoal laboral fixo, no corpo superior da Administración xeral e corpo facultativo superior de Administración especial da Comunidade Autónoma de Galicia, subgrupo A1, convocado mediante a Resolución do 6 de novembro de 2023 (Diario Oficial de Galicia número 216, do 14 de novembro), pola que se dá publicidade de diversos acordos (DOG núm. 95 de 16 de maio).*

- Quinto.2. Subgrupo C2**

Por *Resolución do 15 de xullo de 2024, da comisión designada para xulgar o proceso para a adquisición da condición de persoal funcionario de carreira do corpo auxiliar da Administración xeral e do corpo auxiliar de carácter técnico de Administración especial, subgrupo C2, do persoal laboral fixo de diversas categorías e postos pertencentes aos grupos IV e V, do V Convenio colectivo do persoal laboral da Xunta de Galicia, mediante o seu cambio de vínculo xurídico, convocado pola Resolución do 15 de decembro de 2023 (Diario Oficial de Galicia número 243, do 26 de decembro), pola que se dá publicidade a diversos acordos (DOG núm. 144 de 26 de xullo).*

Sexto. As relacións de postos de traballo

O Decreto 165/2019, do 26 de decembro, polo que se establece o procedemento para a adquisición da condición de persoal funcionario de carreira polo persoal laboral fixo do V Convenio colectivo único do persoal laboral da Xunta de Galicia, recolle que os postos clasificados como de persoal funcionario de carreira ou como de persoal laboral susceptible de selo como de persoal funcionario de carreira, debe estar aprobada con anterioridade á toma de posesión como persoal funcionario de carreira.





En desenvolvemento do procedemento establecido no decreto, esta Dirección Xeral da Función Pública elaborou a presente modificación de relación de postos de traballo da Administración Xeral e tamén da Administración Especial da Administración Xeral da Comunidade Autónoma de Galicia determinando previamente aqueles postos de persoal laboral da Xunta de Galicia afectados polo proceso de funcionarización.

Para a determinación dos postos susceptibles de seren clasificados como de persoal funcionario, tívose en conta o artigo 6 do Decreto 165/2019, do 26 de decembro, que establece o seguinte:

“Clasifícaranse como de persoal funcionario os postos de traballo definidos actualmente nas respectivas RPT como de adscrición de persoal laboral dalgunha das categorías recollidas no anexo desta norma.

A clasificación como de persoal funcionario realizarase no corpo, escala ou especialidade previsto como equivalente no mencionado anexo”.

Tívose en conta tamén para esta determinación as retribucións e os complementos salariais que figuraban na correspondente relación de postos de traballo, que retribuían as especiais dificultades materiais e técnicas que exige o desempeño do posto de traballo.

Total de **11 postos** a clasificar- funcionarizar, nesta RPT (**2 persoas aprobadas con posibilidade de cambio de vínculo xurídico**):

- Total **subgrupo A1: 8 postos a clasificar** - (funcionarizamos un **deles** ocupado por unha persoa laboral fixa aprobada no proceso correspondente e con posibilidade de cambio de vínculo xurídico)
- Total **subgrupo C2: 3 postos a clasificar** - (funcionarizamos un **deles** ocupado por unha persoa laboral fixa aprobada no proceso correspondente e con posibilidade de cambio de vínculo xurídico)
- **Sexto.1 Postos a clasificar, funcionarizar, no subgrupo A1 que comprende a presente RPT**

A presente modificación de relación de postos de traballo comprende un total de **8 postos** de persoal laboral a clasificar - funcionarizar no **subgrupo A1**.





Postos a funcionarizar, clasificar:

GRUPO- CATEGORÍA- DENOMINACIÓN	CORPO	GRUPO/ SUBG.	Nº DE POSTOS
I-19 Titulado/a superior especialista	Corpo superior da Administración xeral da C.A. de Galicia (subgrupo A1)	A1	Clasificar e funcionarizar: 1 posto

A presente modificación da relación de postos de traballo comprende un **1 posto ocupado por** persoal laboral fixo que superou o proceso de funcionarización correspondente e **con posibilidade de cambio de vínculo xurídico**.

Este expediente inclúe tamén a clasificación das características de outros **7 postos** de persoal laboral que, neste momento, non son obxecto de funcionarización, e que se corresponden con:

- Postos de traballo vacantes ou ocupados por persoal laboral indefinido non fixo que continuarán desempeñando as súas funcións nos postos que viñan ocupando, nas mesmas condicións e situación, ata que se leve a cabo o establecido na disposición transitoria primeira bis da *Lei 2/2015, do 29 de abril, do emprego público de Galicia*, logo do remate dos procesos de funcionarización que se convoquen ao abeiro das ofertas de Emprego dos anos 2018, 2019, 2020 e 2021.
- **Sexto.1.1 Detalle dos postos do grupo I de persoal laboral da Xunta de Galicia que non son obxecto neste momento de funcionarización**

Trátase dos seguintes seis postos de titulado/a superior especialista e Titulado/a superior farmacéutico/a do grupo I categoría 19 por estaren afectados postos desta categoría polo Decreto 79/2022, do 25 de maio, polo que se aproba a oferta de emprego público extraordinaria de prazas de persoal funcionario e laboral da Administración xeral e das entidades instrumentais do sector público autonómico da Comunidade Autónoma de Galicia, correspondente ao proceso de estabilización derivado da Lei 20/2021, do 28 de decembro, de medidas urxentes para a redución da temporalidade no emprego público, e de prazas de persoal laboral obxecto de funcionarización, de conformidade coa Lei 2/2015, do 29 de abril, do emprego público de Galicia.

POSTO	GRUPO- CATEGORÍA-DENOMINACIÓN	CORPO	GRUPO/ SUBGRUPO
MAC030040115001105	I-19 Titulado/a superior especialista	Corpo superior da Administración xeral da C.A. de Galicia (subgrupo A1)	A1
MAC030040115001110	I-19 Titulado/a superior especialista	Corpo superior da Administración xeral da C.A. de Galicia (subgrupo A1)	A1
MAC030004015001111	I-19 Titulado/a superior especialista	Corpo superior da Administración xeral da C.A. de Galicia (subgrupo A1)	A1
SAC030000015770046	I-19 Titulado/a superior farmacéutico/a	Corpo superior da Administración xeral da C.A. de Galicia (subgrupo A1)	A1





POSTO	GRUPO-CATEGORÍA-DENOMINACIÓ	CORPO	GRUPO/SUBGRUPO
SAC030000015770047	I-19 Titulado/a superior farmacéutico/a	Corpo superior da Administración xeral da C.A. de Galicia (subgrupo A1)	A1
SAC030020127001110	I-19 Titulado/a superior farmacéutico/a	Corpo superior da Administración xeral da C.A. de Galicia (subgrupo A1)	A1
SAS030000415770050	I-19 Titulado/a superior farmacéutico/a	Corpo superior da Administración xeral da C.A. de Galicia (subgrupo A1)	A1

- **Sexto.2 Postos a funcionarizar, clasificar, no subgrupo C2 que comprende a presente RPT**

A presente modificación de relación de postos de traballo comprende un total de **1 posto ocupado por** persoal laboral fixo que superou o proceso de funcionarización correspondentes e **con posibilidade de cambio de vínculo xurídico.**

Postos a funcionarizar, clasificar:

Grupo-Categoría	Corpo	Grupo/subgrupo	Nº DE POSTOS
IV-20 Conserxe	Corpo auxiliar de Administración xeral da C.A. de Galicia (subgrupo C2)	C2	Clasificar e funcionarizar: 1 posto

Este expediente inclúe tamén a clasificación das características de outros **2 postos** de persoal laboral que, neste momento, non son obxecto de funcionarización, e que se corresponden con:

- 1 Posto de traballo vacante ocupado por persoal laboral indefinido non fixo que continuarán desempeñando as súas funcións nos postos que viñan ocupando, nas mesmas condicións e situación, ata que se leve a cabo o establecido na disposición transitoria primeira bis da *Lei 2/2015, do 29 de abril, do emprego público de Galicia*, logo do remate dos procesos de funcionarización que se convoquen ao abeiro das ofertas de Emprego dos anos 2018, 2019, 2020 e 2021.
- 1 Posto vacante ocupado por persoal laboral fixo en readscripción provisional por reingreso.
- **Sexto.2.1 Detalle dos postos do grupo IV de persoal laboral da Xunta de Galicia que neste momento non son obxecto de funcionarización.**

Trátase dos seguintes dous postos de Conserxe, do grupo IV categoría 20. **Un deles** por estar afectado postos desta categoría polo Decreto 79/2022, do 25 de maio, polo que se aproba a oferta de emprego público extraordinaria de prazas de persoal funcionario e laboral da Administración xeral e das entidades instrumentais do sector público autonómico da Comunidade Autónoma de Galicia, correspondente ao





proceso de estabilización derivado da Lei 20/2021, do 28 de decembro, de medidas urxentes para a redución da temporalidade no emprego público, e de prazas de persoal laboral obxecto de funcionarización, de conformidade coa Lei 2/2015, do 29 de abril, do emprego público de Galicia. **O outro posto** por estar ocupado por persoal laboral fixo en readscrición provisional por reingreso

POSTO	GRUPO-CATEGORÍA	CORPO	GRUPO/SUBGRUPO
PSC994021036350034	IV-20 Conserxe	Corpo auxiliar de Administración xeral da C.A. de Galicia (subgrupo C2)	C2
EDC994090136560017	IV-20 Conserxe	Corpo auxiliar de Administración xeral da C.A. de Galicia (subgrupo C2)	C2

- **Sétimo. Sétima RPT de funcionarización**

A presente modificación da relación de postos de traballo da Administración Xeral da Comunidade Autónoma de Galicia, corresponde á **sétima** RPT de funcionarización:

A primeira foi aprobada por Acordo do Consello da Xunta de Galicia do 24 de xuño de 2021, polo que se aproba a modificación da relación de postos de traballo da Administración xeral da Comunidade Autónoma de Galicia referente ao proceso de funcionarización de postos de traballo do persoal laboral da Xunta de Galicia (DOG núm. 120 do 25 de xuño, corrección de erros do DOG núm. 152 do 10 de agosto).

A segunda foi aprobada por Acordo do Consello da Xunta de Galicia do 17 de febreiro de 2022, polo que se aproba a modificación da relación de postos de traballo referente ao proceso de funcionarización de postos de traballo de persoal laboral da Xunta de Galicia correspondente á administración especial da Administración xeral da Comunidade Autónoma de Galicia e as clasificacións na escala de facultativos (especialidades de medicina, psicoloxía, pedagogía), escala técnica de facultativos (especialidades de enfermaría, educadores, fisioterapia, traballo social, terapeuta ocupacional), escala de axentes técnicos facultativos (especialidade de educación infantil) e escala de auxiliares de clínica; así como a modificación da relación de postos de traballo da Administración xeral da Comunidade Autónoma de Galicia referente ao proceso de funcionarización, aprobada polo Acordo do 24 de xuño de 2021 (DOG núm. 36, do 22 de febreiro, correccións de erros DOG núm. 53, do 17 de marzo e DOG núm.163, do 29 de agosto de 2023).

A terceira foi aprobada por Acordo do Consello da Xunta de Galicia do 20 de abril de 2023, polo que se aproba a modificación da relación de postos de traballo referente ao proceso de funcionarización de postos de traballo de





persoal laboral da Xunta de Galicia e clasificación na Agrupación profesional do persoal funcionario da Administración xeral da Comunidade Autónoma de Galicia, escala de persoal de limpeza e recursos naturais e forestais (especialidade de persoal de limpeza e cociña) (DOG núm. 78 do 24 de abril)

A cuarta foi aprobada por Acordo do Consello da Xunta de Galicia do 19 de maio de 2023, polo que se aproba a modificación da relación de postos de traballo referente ao proceso de funcionarización de postos de traballo do persoal laboral da Xunta de Galicia e clasificación na escala técnica do Servizo de Prevención e Defensa contra Incendios Forestais, especialidade de bombeiro/a forestal xefe/a de brigada, do corpo de técnicos de carácter facultativo de Administración especial da Comunidade Autónoma de Galicia, do grupo B; na escala auxiliar do Servizo de Prevención e Defensa contra Incendios Forestais, especialidades de bombeiro/a forestal-condutor/a de motobomba, emisorista-vixilante fixo/a e bombeiro/a forestal, do corpo de auxiliares de carácter técnico de Administración especial, subgrupo C2; e no corpo auxiliar de Administración xeral, subgrupo C2 (DOG núm. 101 do 30 de maio)

A quinta foi aprobada por Acordo do Consello da Xunta de Galicia, do 15 de febreiro de 2024, polo que se aproba a modificación da relación de postos de traballo referente ao proceso de funcionarización de postos de traballo de persoal laboral da Xunta de Galicia e clasificación no corpo superior da Administración xeral e no corpo facultativo superior de Administración especial, escala de expertos/as lingüistas, subgrupo A1, no corpo de xestión da Administración xeral e no corpo facultativo de grao medio de Administración especial, escala técnica de restauración, e escala de técnicos facultativos, especialidade educador infantil, subgrupo A2, na agrupación profesional do persoal funcionario, escalas de persoal de limpeza e cociña e recursos naturais e forestais, especialidade de persoal de recursos naturais e forestais, de persoal subalterno e de persoal de mantemento, subgrupo AP, da Administración xeral da Comunidade Autónoma de Galicia (DOG núm. 38, do 22 de febreiro).

A sexta foi aprobada por Acordo do Consello da Xunta de Galicia, do 5 de agosto de 2024, polo que se aproba a modificación da relación de postos de traballo referente ao proceso de funcionarización de postos de traballo de persoal laboral da Xunta de Galicia e clasificación no corpo administrativo da Administración xeral (subgrupo C1), corpo de técnicos de carácter facultativo de Administración especial (grupo B) e no corpo de axudantes de carácter facultativo de Administración especial (subgrupo C1); no corpo auxiliar da Administración xeral (subgrupo C2) e no corpo de auxiliares de carácter técnico de Administración especial (subgrupo C2), da Administración xeral da Comunidade Autónoma de Galicia (DOG núm.160, do 21 de agosto).





- **Oitavo. Clasificación dos postos de traballo**

Os procesos de adquisición da condición de persoal funcionario de carreira polo persoal laboral fixo do *Convenio Colectivo único do persoal laboral da Xunta de Galicia*, que está a levar a cabo esta Dirección Xeral da Función Pública, resultan coa finalidade de levar a efecto o cumprimento da normativa correspondente en canto aos postos que deben ser cubertos por persoal funcionario, aos principios de organización, racionalización e ordenación do persoal, así como homoxeneizar o réxime xurídico e as condicións de traballo aplicables a este, coa finalidade de facilitar unha eficaz prestación dos servizos públicos.

Estes procesos lévanse a cabo con pleno respecto aos principios constitucionais de igualdade, mérito e capacidade, sen mingua dos dereitos das persoas traballadoras afectadas.

Resaltar que **non é obxecto dos procesos de funcionarización levar a cabo unha nova valoración e/ou valoración complementaria dos postos de traballo, toda vez que esta valoración xa se efectuou no momento da creación de cada posto** nas correspondentes relacións de postos de traballo. Unha nova valoración resulta improcedente e allea a este procedemento de correspondencia como persoal funcionario, xa que cada un dos postos mantén, en cada un dos seus centros e unidades, as mesmas funcións e responsabilidades que cando eran postos de persoal laboral.

Tendo en conta o anterior, **procederase á clasificación completa** dos postos de persoal laboral como de persoal funcionario dentro do seo da negociación correspondente, así como a idoneidade do **mantemento ou non das denominacións** existentes dos mesmos en acorde a esta clasificación.

A directora xeral de Emprego Público e Administración de Persoal. Nuria Aguilar Vázquez

